

Ozinin'ny tafika

Finona ity nambara tany Moramanga

NY VALOSOA

Gazety misheo intelo isan-kerinandro
(Talata - Alakamisy - Sabotsy) VAOVAO

Sabotsy 5 septambra 2020

Laharana 1063

Vidiny : 400 Ar

Mopianatra Malagasy
tany Chine

Nody tsy nahazo
diploma ny ankamaroany

www.gvalosoa.com

gvalosoa@yahoo.com

facebook : gazety valosoa rakoto

Antenimierandoholona 3

Tsy fahazoana Vatsy Tsinjo 3

Hagaigena ny Nisakoroka fanamaivanana azy Ambohipo



RODOBEN'NY MPANOHITRA RMDM 2

Komitin'ny Fokonolona,
hiady amin'ny jadona
sy famonoam-bahoaka



Polisy Tsaralalana 6

Vehivavy very saina, miandry
ny fianakaviany haka azy

Patrick Raharimanana 5

Tokony hifanao kaonty
ny fitondrana sy Ravalolo

Kaominina Alasora 6

Hanome cours maimaimpoana
ireo hanala fanadinana BEPC

Daka kely

Tsy mankaiza intsony ialahy ry Boaikely
na hanao propagandy mialoha eo aza a !

Valanaretina coronavirus 4

Niampy 1 ny lavo omaly, 81 ny
tranga vaovao, 44 no sitrana

NOUVEAUX CAS	HIER	CUMUL	DIFF	Nb. TESTS PCR
21				11 MARS / 03 SEPT 2020 59 956
GUERIS	14031	14075	+ 44	GENEXPERT JEU 03 SEPT 2020 6 121
EN TRAITEMENT	875	911	+ 36	
FORMES GRAVES	40	46	+ 6	
DECES	197	198	+ 1	CONFIRMES 11 MARS / 03 SEPT 2020 15 187

RODOBEN'NY MPANOHITRA RMDM

Komitin'ny Fokonolona, hiady amin'ny jadona sy famonoam-bahoaka

Manoloana ny fandehan'ny toe-draharaham-pirenena tato ho ato dia naneho ny heviny ny Rodoben'ny Mpanohitra ho an'ny demôkrasia eto Madagasikara na RMDM omaly tetsy Bel'Aira Ampandrana. Tsapa, fa miha-mizotra mankany amin'ny fanaovana didiko fehy lehibe na didy jadona ny firenena ankehitriny hoy izy ireo. Teo ny fanaovana amboletra ny fomba nentina nandany ny lalàna teo anivon'ny parlementa. Fanaovana didy jadona izany, ary tsy mendrika amin'izao taonjato faha-21 izao ny fisian'izany fanjakana jadona izany eto amin'ity tontolo misy antsika ity, hoy i Pasitera Edouard Tsarahame, filoha lefitry ny RMDM.

Eo ihany koa, ny fanaovana antsojay amin'ny orinasa Malagasy. Tena ampiharana mihitsy, anaovana izay heriseta rehetra, izay fomba rehetra hamotehana sy hamonoana ny mpiasa Malagasy sy ny vahoaka Malagasy an-kolaka, hoy izy.

Manahy ihany koa izy ireo ny amin'ny hisian'ny fitsapan-kevibahoaka na "référendum" hanitarana ny fotoam-piasan'ny filoham-pirenena. Raha izany no hatao, ary raha izany no tsy maintsy tanteraka, ka atao an-tery eto amin'ny firenena, dia miantso ny vahoaka Malagasy ny RMDM hanangana ny Komitin'ny Fokonolona isam-pokontany hiady amin'ny jadona sy ny famonoam-bahoaka an-kolaka ataon'ny fitondrana Rajoelina amin'izao fotoana. Miantso ny rehetra ny Rodoben'ny Mpanohitra hifanome tânana, fa tanindraza iombonana ity Madagasikara ity. Aza avela ho



Solontena avy amin'ny RMDM, nitafa tamin'ny mpanao gazety omaly tetsy Ampandrana.

tonga amin'ny jadona ity firenena ity, hoy ihany izy namafy, sao hanenenana any aoriania. Tsy mety ny famonoana ny orinasa Malagasy , ny fanapotehana ny foto-pisainana Malagasy, ny demôkrasia, ny fandikan-dalàna mihoa-pampana, ary tsy mendrika ity firenena ity ny manao izany. Tsy mba zavatra tsara no ijen'izao tontolo izao antsika, fa zavatra ratsy raha ny nambarany. Tsy ekena ny hanaovana jadona eto amin'ny tany sy ny firenena. Notsindriany, fa mila hatsangana farany izay haingana io komitim-pokonolona io hiady amin'ny jadona.

Ny Valosoa

Ozinin'ny tafika

F'inona ity nambara tany Moramanga

Nitsidika tany Moramanga Ingahy Filoha Rajoelina tamin'ity herinandro ity, toy ny efa mahazatra azy hattramin'izay dia misy hantrany ny fanambarana manaitaitra, izay efa amiendrika fampielezankevitra, hambaboana ny fon'ireo vahoaka amin'izay tany alehany.

Nanambara ary Ingahy Filoha, fa hatao any Angavo any Moramanga hono ny toerampaman-boarana fitaovampiadiana toy ny bala ary afaka hanondrana ny vokatra aby amin'izany any ivelany sisika Malagasy, zendana avokoa ireo manampahanahy nandre ilay vaovao, ka mifanontany hoe ; inona koa ity lazain-dRaprezy ? Laharampahamehana ve izany ? ary mifanaraka amin'ny filan'ny mponina any Moramanga ve izany ? dia iza koa ny firenena any ivelany hividly bala aty amintika ?

Ny azo antoka dia fampielezankekitra mialoha ny fotoana ilay izy satria ny CVO aza, izay nodokafana mafy ery fa fanafody mahomby ary efa nisy ireo firenena Afrikana no-mena maimaimpoana, kanefa dia ireny firenena nahazo ireny dia tsy nahenoina intsony ny akon'ny fahombiazan'ilay CVO.

Any Frantsa aza dia tsy azo ampidirina any ity tambavy ity, fa any amin'ny seranam-piaramanidina dia efa voasakana tsy azo ampidirina. Sanatria tsy fanambaniana ny vokatra vita malagasy fa mba fantatra ihany ny zanaka tsy aha-zaombinanto hoy ni fite-

nin'ireo be vazivazy, misy dia misy ny vokatra malagasy tsiriritin'ny vahiny, toy ny lavanila, vary me-na, ireo asa-tanana, ny vokatra Tiko, sns... fa tsy izay bala tsy ihanan-kanina , asa ny dahalo eto an-toerana ihany no han-jifa izany bala izany angamba.

Fa ny tena marina dia entina ampihorohoroana ny mpiray tanindrazana ny fananganana toeram-pa-novana fitaovam-piadiana, ary ny tena manahirana dia tsy mifanaraka amin'ny fanao ny niseho tany Moramanga satria dia tsy voahaja araka ny tokony ho izy ny tsiambaratelon'ny fiarovana, noho ny fisian'ireo fakana sary izay tsy fanao amin'ny toerana saro-pady toy ireny, kanefa izay mihitsy no mampiavaka an'Ingahy Filoha dia ny fitiavana maka sary etsy sy eroa. Moramanga dia ao anatin'ny Faritra Alaotra Mangoro, izay manana ny

toerany eo amin'ny fambolem-bary, koa raha misy ihany ny vola, tsy ny fanampiana ny tantsaha ve no tokony hatao fa tsy ariana amin'ny hevi-drina ny vola?

F'angaha izay ihany fa hanangana ivontoerana ho an'ireo Bekotro maroholatra niady ho an'ny tanindrazana tamin'ny tao-na 1947 any Moramanga koa ny fitondrana.

Ekena tsy azo ifandiranana fa tao Moramanga no nipoaka ny raharaha 1947 ny alin'ny Sabotsy 29 Martsa 1947 , satria teo amin'ny lagara fiantsonan'ny lalamby no norarafana tamin'ny basy ireo mpitolona tao anatin'ny fiarandalambony, izay no nahatonga ilay hoe :

« wagon Moramanga », aina malagasy maro no nafoy ary nandriaka ny rà malagasy teo amin'ny lagaran'i Moramanga.

Fa ny tiana hanaovana fana-marihana dia tsy olona avy ao Moramanga ireo

voatifitra, fa mpitolona avy any Ambatondrazaka sy ny manodidina niampy ireo avy aty Antananarivo, fa ankoatr'izay ny raharaha 1947, dia efa tamin'ny 73 taona lasa, ka ireo mpitolona tamin'izany dia azo isaina amin'ny rantsan-tanana, na mety efa tapitra tanteraka mihitsy azo, ny anaovana fanamarihana dia maro ireo mpisandoka ho mpitolona tamin'ny 1947 ankehitriny. Ka trano natao ho an'iza izany ity hatsangana any Moramanga ity. Raha fehezina izay voala-zaza rehetra izay dia fandrendrehamba hoka fotsiny, fa tsy misy hevitra mitombina ahatsapana fa hiteraka tombontsoa ho an'ny firenena na ilay toerana hananganana ilay fotodrafitsara, soa fa efa manomboka mahatakajavatra ny vahoaka Malagasy na dia ireo any amin'ny tontolo ambanivohitra azo.

Ny Valosoa

Ramatoa Kalozafy

Nosolorana samboady maha-senateran'i Madagasikara azy

Nosolorana samboady maha-Loholoni'i Madagasikara azy afak'omaly tetsy Anosikely Ramatoa Kalozafy, senateran'i Madagasikara voafidy tany amin'ny amin'ny Fana-ritanin'Antsiranana. Izy dia nisolo toerana an-dRamatona Razafindrato Ravololonirina Emilie, nodimandry tetra Antananarivo ny 22 jona 2020 lasa teo. Ny Filohan'ny Antenimierandoholona Rivo Rakotovao, notronin'ireo mpikambana ao amin'ny birao maharitra sy ireo Loholoni'i Madagasikara no nanatanteraka izany. Nanatrika ny fotoana ny fianakavian-dRamatona Kalozafy, ary teo ihany koa ny mpiasa eo anivon'ny Antenimierandoholona. Laharana faharaoa izy tao amin'ny lisitry ny antoko Leader Fanilo, ka voatendry ho Loholoni'i Madagasikara ny zoma 03 jolay 2020 araka ny didy laharana faha 06-HCC/AR, navoakan'ny Fitsarana avo momba ny Lalamporenana.

Ny fanolorana ny samboady dia marika hita maso ho fanomezam-pahefana ny Loholoni'i Madagasikara iray, sy ho fanehoana ny andraikitra iantsorohany sy ny adidy sakelehiny amin'ny maha senateran'i Madagasikara azy: mpanolotsaina ny governemanta sady solontenan'ireo vondrom-bahoakam-paritra koa.

Isambilo

Ny Valosoa sy fakafaka

Lazoin'ny "aretina" maro samihafa ny vahoaka malagasy

Tsy mbola afa-bela amin'ny valanaretina covid-19 ity ny firenena, ary mbola miaina ao anatin'ny "aretina" olana ara-tsosialy sy toekarena ny vahoaka malagasy, dia mipoitra indray koa ity ny "aretina" ha-fahafa. "Aretina", izay nipoitra avy eo anivon'ny andrim-panjakana sy ny fitondrana, ary mampanahy ny olom-pirenena eto amin'ny tany sy ny fanjakana. Eo ny fihetsika ataon'ny Ben'ny tananana'ntanana-rivo Renivo hitra sy ny mpanolotsaina vitsivitsy, izay mandika ny lalàna fotsiny izao, ka nahatonga ireo mpahay lalàna vitsivitsy nitsangana nanakiana mafy izany. Eo koa ny zava-mitranga eny anivon'ny parlementa izay nandrenesana toe-javatra tsy araka ny lalàna ; ary manampy ireo ny ataon'ny filohan'ny Republika sy ireo mpiara-miasa akaiky aminy, izay toy ny "mpitari-bato vilam-bava ihany, ny ataon'ny tânanana hafa, ny lazain'ny vava hafa". Natao litania na-kadilo sofiny ny fanentanana ny amin'ny fandrarâna ny famoriam-bahoaka nanomboka tany amin'ny volana martsa nidirana amin'ny hamehana ara-pahsalamana, sy indrindra ny niverenana fanindroany tamin'ny fihibohana. Laraha-mahita ny zava-misy amin'izany andro maro izao tamin'ny fizarana fampiana samihafa sy ny any amin'ireo toerana rehetra alehan'ny filohan'ny Republika. Santionany ihany izany.

Olana miteraka olana no hita, fa tsy olana nahitam-bahaolana ka tapitra eo. Manao fizaram-bary sy menaka mbamin'ny vola atao ho vahaolana aratsosialy ny fitondrana kanefa olana hafa indray no mitranga ary mampanahy toko eny anivom-piara-hamonina amin'izao fotoana izao. "Aretina" iray lehibe amin'izany ny fahapotehan'ny fira-sankinana'ny mponina, satria misy natao zanak'lkalahafa, ary tsy nitovy tantana ny fitsinjovana ny mponina isam-po-kontany sy kaominina. Aretina sarotra sitranina io, na dia ataon'ny fitondrana ambany maso tsy hita aza na hanaovana teny mampandry adrisa.

Niantso ny parlementa hanao vaomiera manokana handinika sy handany lalàna ny governemanta, kanefa olana hafa indray no mitranga ary mbola ho tantara mitohy. Niseho handray fepetra ny eo anivon'ny fiadidiana ny tananana'ntanana-rivo kanefa olana goavana no mitranga dia ny fahapotehan'ny orinasa Malagasy sy famonoana ny fiveloman'ireo mpiasa Malagasy sy ny fianakaviany mbamin'ireo mpiara-miasa samihafa toy ny tantsaha mivelona amin'ny vokatra entiny. Mampitombo isa ny tokantreno sy fianakaviana sahirana sy mahanta ny zava-misy. Tsy misy fivoarany sy fiatsarany ny fia-nam-bahoaka hatreto na dia mitety faritra maro samihafa aza ny fitondrana tato ho ato ary miseho hahavita zavatra amin'ny fampanantenana isan-karazany.

Mananjo hanana fahasalamana ny olom-pirenena tsirairay avy sy ny vahoaka Malagasy. Ny aretina mamely azy anefa tsy afaka dia mipoitra indray ny trangana hafa manaraka. Midika izany, fa vahoaka "farofy lava", ity vahoaka Malagasy ity ankehitriny, satria mamely azy avokoa izao karazana "aretina" isan-karazany rehetra izao, ary misy amin'ireo aza foronina hipoitra hamparefo azy.

Sôh'son



Ny senateran'i Madagasikara Kalozafy (manao samboady).

Ny Valosoa sy hadihady

Raharaha-pirenena : loza mihantona ho an'ny fitondrana

Rajoelina ny ratsy ataony

Miverina toy ny tany amin'ny folo taona lasa indray ny fitantanana ny Firenena amin'izao fo-toana izao. Tsy dia mahagaga loatra izany satria Rajoelina Andry no filohan'ny tetezamita ary tsy misy zavatra sarotra toy ny manova fomba fisainana sy fomba fanao ary fomba fiainan'ny olona iray, ka nahatonga ilay fitenenana "tànana zatra nitsotra, tsy azo havokona intsony". Raha tsiahivina dia ny volana septambra 2010 no nanaovana ny fitsapankevi-bahoaka nandaniana ny Lalàmpanorenana iainana amin'izao Repoblika IV izao. Lalàmpanorenana na-lain-tahaka tany amin'ny firenena iray any ivelany izy io, ka nesorina tsy ho vondrom-bahoaka itsinjaram-pahefana eny ifotony intsony ny Fokontany, fa ny Kaominina no nampidinina ho amin'izany rafitra izany. Araka izany dia ny lehiben'ny Distrika ambaraton-gam-pitantanana ara-panjakana no manendry ny sefom-pokontany izay nfidian'ny mponina mivantana tany aloha. Araka ny Lalàmpanorenana ihany koa anefa dia fidian'ny mpifidy lehibe (grands électeurs) ny lehiben'ny Faritra kanefa dia novaina ho governora tendrena eo amin'ny filankevity ny minisitra izany. Tsy anisan'ny vondrom-bahoaka itsinjanram-pahefana ihany koa ny faritra. Miely ny vaovao amin'izao fotoana izao, fa hisy fikitihana ity Lalàmpanorenana ity indray, ka hanaovana fitsapankevi-bahoaka izany. Araka ny fantatra dia ny isan'ny loholona no hahena ho 18 ny isany, roa isaky ny faritany, raha 63 izany amin'izao fotoana izao. Mazava be ny teti-dratsy izay te-hamestraka maro an'isa ao amin'ity rafitra ity toy ny ao amin'ny antenimieram-pirenena ny antoko eo amin'ny fitondrana, ka hanjaka tokana toy ny any amin'ireo firenena tatsinanana, Korea Avaratra, Sina, sns..., ka ho didy jadona no hanjaka eto amin'ity Firenena ity. Raha izay no halalinina dia hiverina any amin'ny taona sivifolo izay nirodanan'ny rindrin'ny he-natra tany Berlin ny eto Madagasikara. Nanomboka teo no nitsoka ny "Rivotry ny Fiovàna" (wind of change) maneran-tany, ka voatery nampihàtra ny demokrasia ireo firenena nisy fitondrana jadona. Amin'izao fotoana izao dia mihoa-pefy, manitsakitsaka lalàna ny mpitondra tarihan'ny filoha Andry Rajoelina, ka na ny rafitra mpanao lalàna aza dia

mandika izany, tsy vao izao fa nanomboka tamin'ny fandraisany ny fitantanana ny Firenena. Toy ny tany amin'ireo firenena voalaza etsy ambony ireo dia manao sarika am-pandriana sy mampiditra am-ponja ireo heveriny fa tsy mitovy hevitra aminy ny manampahefana eto amin'ity Firenena ity. Firenena vitsy eto ambonin'ity planeta ity sisa no mbola manome taompiasana fito ho an'ny filohan-pirenena fa na dimy na efatra taona ihany izany. Ny eto mbola te-hiverina amin'izany sady te-hanjaka tokana any amin'ny ambaratongam-pahefana rehetra. Tsy vitan'izany fa na dia nanao teny filamatra "ny fitiavana no lehibe indrindra", andinin-tsoratra Masina aza Rajoelina Andry dia fankahalana no ao an-tsainy. Tsy azo hafenina intsony ny filana antsojaj sy fisotasotana atao amin-dRavalomanana Marc. Mahatsapa izao fitondrana izao fa mirona any amin'ny fanoherana ny ankamaroan'ny antoko politika sy mpanao politika kanefa dia Ravalomanana Marc no filohan'ny mpanohitra, ka toe ho rafitra ny fitantanana dia izao mibirioka any amin'ny lalan-tsarotra ivoahana izao indray. Tokony ho ao antsaina mandrakariva anefa fa tsy Ravalomanana Marc velively no mitondra faisana fa ireo mpiasa ao amin'ny orinasa, ka hitombo indray ny tsy an'asa izay hanatevin-daharana ireo sahirana ara-pivelomana, manantonanana ny fipoahana ara-tsosialy. Raha ny marina ary araka ny "Tondro Zotra" tamin'ny tetezamita izay ireo manampahefana amin'izao fotoana izao no nitantana ny firenena dia anisan'ny notakiana taminy ny fanonerana ny fahavoazana nateraky ny fandrobana sy fandorana ireo orinasan-dRavalomanana Marc ny taona 2009. Tsy ny mpitantana ny Kao-minina Antananarivo teo aloha velively no hianjeran'ny hatezeran'ireo mpivaratra eo amin'ny "pavillons" kasain'ny ben'ny tanàna, Naina Andriatsitohaina, harodana fa izy izay manitsakitsaka ny lalàna amin'ny tsy firaharahiana ny fifanarahana nifanao-van'ireo mpivaratra sy ny fiadidiana ny kaominina teo aloha. Mety ho fanehoan-kery araka ny iheveran'ny fitondrana azy izao sotasota izao kanefa raha ny marina dia ny mifanohitra amin'izany ny fahitana izany satria ny ratsy atao "LOZA MIHANTONA".

Andry Tsiavalona

Antenimierandomoholona

Hagaigena ny fanamaivanana azy



Ny laptop'ny Antenimierandomoholona etsy Anosikely.

Fa ho ravany hono ny Antenimierandomoholona raha izy no lany, dia ireny nia-raha-nahita ireny ny kitotoa nataony, dia ny fikasana nampiaraka tao anatin'ny andro iray ny fidianana solombavambahoaka sy ny fitsapankevi-bahoaka fanafoanana ny Antenimierandomoholona. Tsy tafta moa ilay hevitra taingina satria notsipahan'ny Fitsarana Avo momba ny Lalàmpanorenana (HCC) ilay fikasana, ny hany faraherin-dRajoelina dia ny fampihenana ho 18 sisina ny isan'ny loholona, ka ny 12 fidiana ary ny 6 tendreny. Maresaka amin'izao fo-

toana izao ny resaka mikasika ilay « Vaomiera iombonana isasahana », iarahan'ireo fahefana roa mpanao lalàna, tsy takaona afenina ny fandikan-dalàna nataon'ingahy Praiministra sy Ramatoa Filohan'ny Antenimeram-pirenena, soa fa nijoro ireo parlementera saro-piaro amin'ny fampanajana ny lalàna eto amin-sika. Mendri-piderana ireto parlementera miady ho amin'ny fampanajana lalàna ireto, indrindra fa ireo Lo holona izay madiva ho tapitra ny fotoam-piasany, kanefa dia mbola manao izay anjara tandrify azy

Ny Valosoa

TSY FAHAZOANA VATSY TSINJO

Nisakoroka Ambohipo

Tsy fahazoana ny Vatsy Tsinjo, nisakoroka ny tsy na-hazo izany teny Ambohipo omaly. Mafanafana indray arak'izany ny eny amin'ity fokontany iray ao amin'ny Boriboritany faha-2 eto Antananarivo Renivohitra ity. Nanomboka omaly toka ny fizara ny Vatsy Tsinjo ho an'Ambohipo. Tsy natao teny an-toerana ny fizara na dia misy CEG sy EPP toerana malalaka aza ao amin'ity fokontany ity, fa natao teny amin'ny kianja fila-laovam-baolina Oniversite Ankatsu. Ny alakamisy teo, efa nisy ny olana, ireo mpisera mpitatitra sy sarety efa nihàtrana. Omaly, voalaza fa nanohizana ny fizara, efa tonga maraina be ny olona fa ny mpiandraikitra no tsy tonga, fa hoe miandry 2ème vague na andiany faha-2 indray. Teraka ny savorovoro na sakoroka, an-kilanja sora-baventy sy antso mégaphone teo amin'ny fokontany sy 3 chemins. Tapaka nandritra ny fotoana elaela noho izany ny fifamoivoizana. Mahakasika ity Vatsy Tsinjo, maro ireo tsy nahazo izany nefo olona marefo eto Antananarivo sy ny manodidina, ny any amin'ny faritra dia tsy tenenina intsony, fa tena sahi-rana tanteraka nefo tsy misy fanampiana tonga any na-karazany iray aza, amin'ireny fanampiana tosika sosia-lim-bahoaka ireny.

Isambilo



Ny sakoroka teny Ambohipo omaly.

TONONKALO

Vavaky ny jiolahy Merci Prezida !

Na dia maro ireo tsy nety sy hadalanay tao ho ao,
Dia indro ianao prezida fa niaro sady tsy nandao,
Ka dia nandeha , nisosa ery ny bizina ary koa ny afera.
Dimy volana izahay dia lasa miliaridera !

Ny hetahetanay dia tsotra : aleo hitohy ny fihibohana,
F'eo ianao prezida hiaro hatrany sy hanohana.
E! ny maro taminay , jereo fa efa nihanatavy,
Tena voky risoriso hatramin'ny zanak'anabavy !

Ny nanodinkodim-bola , hatreto aloha dia afa-maina,
Fa novoizina ny hoe : ny fitoniana no ilaina.
Raharaha "bonbon sucette", tsy efa nohadinoina va ?
Ka hoy 'zahay miteny hoe : merci prezida !

Mino marina izahay fa tsy ho any am-pigadrana,
F'ao anaty fihibohana , azo ovàna ny lalàna,
Ka ny "tratra ambodiomby" , mbola azonao amboarina,
Mba ho afaka madio sy kilasiana ho olo-marina !

...Koa dia satry foana hitohy ity "fihibohana malaza",
Fa voaaronao 'zahay na ratsy sy tsy mendrika aza !
Soa fa nisy ilay aretina , 'lay atao hoe "corona",
K'aleo hiredona izahay hoe: merci prezida!

TSIMIMALO (03-09-20)

PRIERE AU SACRE CŒUR



Que le Sacré Cœur de Jésus
soit loué, adoré et glorifié à
travers le monde pour des
siècles et des siècles, Amen.

Dites cette prière 6 fois/ jour pendant 9 jours et vos
prières seront exaucées même si cela semble impossible.
N'oubliez pas de remercier le Sacré Cœur avec pro-
messe de publication quand la faveur sera obtenue.
Remerciements au Sacré Cœur pour faveurs obtenues.

Fenosoa R.

ORINASA HOLCIM

Manao andrana biriky vaovao tsy dorana sy tsy masahana

Manao andrana karazana biriky vaovao amin'izao fotoana ny orinasa mpamokatra simenitra eto amintsika Holcim. Amboarina eto amintsika manom-boka amin'ity taona 2020 ity ny biriky fanaovana trano tsy mila masahina sy tsy mila dorana intsony ho fiarovana ny tontolo iainana. Biriky vita avy amin'ny tany sy simenitra mitambatra izy ity, ka izay no hanamafy azy.

Ho fiarovana ny tontolo iainana sy tsy hanimbana ireo tanim-bary intsony no antony nanombohana ity tetik'asa ity.

Efa manao fanandrama-na an'izany eny amin'ny Akamasoa Andralanitra, kaominina Ambohimangakely, distrikan' Antanarivo Avaradrano ankehitriny ny Holcim sy ny ao



Trano amboarina amin'ny biriky vita avy amin'ny tany sy simenitra.

amin'ny ministera misaha ny Tanàna Vaovao (Nouvelles villes et de l'habitat). Na eo aza ity

karazana biriky vaovao ity, mbola hafa ihany koa ny trano vita amin'ny biriky tanimanga nomasa-

hana ary mbola be mpampiassa aloha hatra-min'izao eto amintsika.

Aly

Valanaretina coronavirus


Niampy 1 ny lavo omaly, 81 ny tranga vaovao, 44 no sitrana

Niampy iray ny olona lavon'ny coronavirus omaly teto Madagasikara, 198 arak'izany ny totalin'ny olona namoy ny ainy noho ity areti-mendoza ity teto amintsika hatramin'ny volana martsa no mankaty. 44 no sitrana: Analamanga 4 no sitrana, Vakinankaratra 10, Bongolava 6, Atsinanana 1, Alaotra Mangoro 1, Ihorombe 2, Sofia 5, Diana 8, Atsimo Andrefana 1, Menabe 6. Ny tranga vaovao

dia 81 tamin'ireo 584 na-naovana fitiliana: Analamanga 50, Atsinanana 3, Alaotra Mangoro 1, Masiatra Ambony 4, Sofia 3, Diana 10, Atsimo Andrefana 9, Androy 1. Ny marary mafy dia 46, izany hoe niampy 6 izy ireo omaly. Ny 01 namoy ny ainy dia teto Analamanga.

Niaina

Ny tarehi-marika avy eny amin'ny CCO covid 19 Ivato omaly.



Taratasin'ny mpamaky

Hevitra ampitaina amin'ny gazety Ny Valosoa Vaovao sy ny mpamaky azy ary izay mety iantefany izao manaraka izao : natao ihany ny tsy hiteny fa tena tsy haiko hoe mba misaina ve ity fitondrana ity. Mino mihitsy aho fa maro dia maro ireo orinasa vahiny tsy mandoa hetra, na mety manao "paiemment échelonné". Ny groupe TIKO anefia dia orinasa malagasy, ary io no orinasa malagasy voalohany nanana envergure industrielle afaka nifaninana tamin'ireo orinasa vahiny nanjakazaka teto: karana, frantsay... Fa misaina ve nareo mpitonundra mamotika orinasa mala-

gasy toy izao eee????!!! Sady orinasa mamelona tokantrano aman'arivony. Tsy fanapotehina orinasa malagasy irey izao fa fanapotehina ny vahoaka malagasy ihany koa. Afaka atao échelonné ny fandoavana hetra na tadiavana vahaolana hafa. Ao anatin'ny crise en plus !!! Ny mpitonundra vendrana ihany no tsy manana structure protectionniste sy plan d'ap-pui ho an'ny orinasa eo amin'ny fireneny.

Hariveloo Ny Andry
Mpamaky gazety Ny Valosoa Vaovao

Mazotoa mihira

Noho ny fisian'ireo famoizan'aina tsy fidiny toy ny niseho tany Farafangana sy ireo lavo ny valan'retina koronaviriosy manerana ny nosy dia hira somary mampalahelo kanefa mampieritreritra ihany koa no atolotra anao, na izany aza tsy natao hampitanondrika fa natao hampitraka antsika mpamaky.



MIVALO AMINAO AHO RY TANY Solika

Mivalo aminao anie aho o ry tany
Henoinao kely ity fo mitomany
I neny malala efa lasa nankany
I dada tsy foy o avelao
Avelao eto ihany

Dada o aiza ny lalana hombanareo
Neny mba homba anareo ny sitrako izao
Aleoko maty manaraka anao
Toy izay velompoana mijaly toy izao
Dada o mivalo aminao
Neny henoinao ity feo mitomany
Fa mijaly aok'izany.

Mpihira: Solika
Mpamorona : Naka Rabemanantsoa

Sakafo Ny Valosoa



Henomby endasina na steak, lafihana lasary kôkômbra sy poivron indray no laoka amin'ny Sakafo eto amin'ny gazetinao androany. Dia mihinâna finaritra tompoko.

NY VALOSOA sy Mahaso

Hoditr'ovy, fanafodin'ny volo mihintsana sy ny volo fotsy

Fanafodin'ny volo mihintsana sy volo fotsy ny hoditr'ovy, izay indray no Mahaso eto amin'ny gazetinao androany. Manan-karena vitamina C, pôtasiôma ary amidon ny ovy. Manampy amin'ny fanatsaharana ny fi-hintsanan'ny volo ary mampangirana ny volo koa anefy hodiny.

Akora ilaina: Hoditr'ovy 5 lehibe, rano 1 litatra.

Fikarakarana azy: rehefa voasasa ilay ovy dia ataovy anaty vilany ny hodiny. Asio rano iray litatra ary avelao hangotraka. Rehefa izay dia ahenao ny afo (feu doux) dia avelao hangotraka eo foana mandritra ny 30 minitra mandra-pahazonao taharo marihitra. Tatavano avy eo rehefa mangatsiaka. Rehefa avy manasa loha ianao dia io rihatr'ovy io no ataonao sahala amin'ny après shampooing. Ataovy indroa isan-kerinandro raha tia-nao ny hahazo vokatra haingana. Ho hitanao fa hiha-mainty ny volonao ary tsy hihintsana intsony.



NY VALOSOA sy Mahaliana

Ny tanànan'i Farahalana, any amin'ny distrikan'i Sambava, faritra Sava

Ny tanànan'i Farahalana, any amin'ny distrikan'i Sambava, faritra Sava indray no Mahaliana eto amin'ny gazetinao androany. Renivohitry ny kaominina Farahalana ity tanàna ity. Somary iva toerana izy satria 10 m eo ny haavony miohatra amin'ny ranomasina, lalovan'ny reniranon'i Farahalana izany tanàna izany, amin'ny lalampirenena mampitohy an'i Sambava sy Antalaha. Tanàna mpamokatra lavanila ity tanàna ity. Ankoatra ny fambolena, mpanjono ihany koa ny mponina any an-toerana.



PATRICK RAHARIMANANA

Tokony hifanao kaonty ny fitondrana sy Raval

MITONDRA NY HEVINY MAHAKASIKA NY FANAKATONANA IREO ORI-NASA AAA MAGRO TATO HO ATO, NATAON'NY FITONDRANA KOA I PATRICK RAHARIMANANA, MPANAO POLITIKA SADY MPISERASERA AMIN'NY TAMBAZOTRAN-TSERASERA SOSIALY.

Milaza izy fa aoka samy handoa hetra sy trova ny rehetra. Misy manontany ahy hoe ahoana ny hetra tsy voaloan'i filoha Marc Ravalomanana, na ny an'ny Tiko. Valiny dia tsotra hoy izy. Tsy maintsy mandoa hetra sy trova ny rehetra.

Etsy ankilany anefa, ny filohan'ny tefezamita teo aloha Andry Rajoelina no anisan'ny nanao sonia fiharanahana Tondrozotra, na feuille de route, fa hoherana avokoa ny fananan'ireo izay may sy simba tamin'ny krizy politika nanomboka ny taona 2002, ka hatramin'ny 2009. Dia mifanaova kaoty anatiny eo izany. Ny filoha Marc Ravalomanana hoy izy milaza, fa ny fanjakana aza no mbola ananany vola.

Ka iza koa no tokony hifanao ny evaluation na tombana ny vola aloa ? Maro be ireo orinasa sy mpivarotra may fananana tamin'ny 2009, aloavy ny volan'olona rehetra simba fananana tamin'izany koa. Ny anay manokana trano



Patrick Raharimanana, mpanao politika sy mpiserasera amin'ny tambazotran-tserasera sosialy.

5 no nirehitra sy norobaina tamin'ny 2002, fiara may, tsy hilazako ny fandratrana feno habibiana, fampihinana sy fanoisorana maloto ambony loha, fanagadrana samihafa nitondrana takaitra nitarika fahafatesana, ka mba miandry fanonerana ihany koa. Izahay olon'ny finoana sy fihavanana, ny lasa tsy fadino mba tsy hivernan'izany intsony, ny fainana mitohy hatrany ary mamela heloka. Ho aiza ity firenentsika ity raha hifandimby haka fahefana, ka validaty hatrany no atao. Tsy misy mandrakizay eo amin'ny fitondrana, ka izay foana ve no atao ? Mendrika ny Malagasy efa tena latsaka an-katerena, miharitra ny mafy rehetra ve izany ? hoy ihany ity mpanao politika ity.

Niaina

Zandarimariam-pirenena

Manomboka miasa ny Brigade Routière Spéciale amin'ny RN2

Nosokafana ara-pomba ofisialy ny fanombohan'ny asan'ny Tobim-parity ny Zandarimariam-pirenena misahana ny fiarovana ny lalam-pirenena faha-2, na ny "Brigade routière spéciale (BRS) ao Sahamamy, Brickaville, faritra Atsinanana afak'omaly. Marihina fa ity Toby ity dia anisan'ny fotodrafitsara mandrafitsara ny toeram-piatoana na ny "Aire de repos" : ahitana toeram-piational-tsasatra, fisakafoana, fitsangatsangana

sy filalaovana, tobim-pahasalamana, toby Zandarimaria, mba hitsinjovana ireo mpampiasa ny lalam-pirenena, ka izao tante-raka soa aman-tsara izao. Araka izany dia, natao indrindra ny Toby tahaka izao, toy ny any Ambalanakana Ambositra (Rn7) sy Analakininina Miandrivazo (Rn34), hiarovana ireo mpampiasa ny lalam-pirenena manoloana ny asan-jiolahy sy ny lozam-pifamoivoizana, natao ihany koa hisahana

ny fandriampahalemana amin'ireo tanana manamorona ny lalam-pirenena.


Efa vonona sy efa ao antoerana avokoa ireo zandary sy alika mpitson-godia ary ireo fitaovana rehetra entina miasa ao amin'ity BRS Sahamamy ity : ahitana wifi, caméras de surveillance, scanner, chiens policiers, drone opérationnel...). Faly ny mponina any nahazo izao foto-drafitsara izao.

Aly



Ilay BRS any Sahamamy Brickaville.

NY TENY FIAINANA



"Misaora an'i Jehovah, ianareo anjeliny, dia ianareo izay mahery indrina sady mankatô ny didiny ary mihaino ny feon'ny teniny."

Salamo 103:20

facebook

NY VALOSOA
Gazety misheho Intelo Ison-karinandro VAOVAO

Filoha Rajoelina, aleony miady amin-dRavaloy toy izay hiady amin'ny Frantsay amin'ny Iles Eparses



Batoto Mpikotrana : aleon-dRajoelina lavitra miady amin-dRavalomanana toy izay hiady amin'reto frantsay mibodo ny Iles Eparses! Hita hoe tena saribakolim-bazaha mihitsy ity filoha mpanongam-panjakana ity.

Yaks Rasam : eny tokoa. Mahagaga. Fa ilehery ilay double nationalité koa no mahatonga an'io. Tsy sahy midrikina ôhatran'ny nataon'i Ra8 tamin'ny ambassadeurs frantsay t@izany Rajoelina fa Domelina fotsiny momba ireo Iles Eparses nefy nambarany fa ho tafaverina amintsika nialohan'ny fetin'ny 26 juin 2020 lasa teo. Izao dia tsy misy resaka intsony. Ny Frantsay indray aza no manamafy fa tsy hiala amin'ireo nosy.

Andriamahery AR : fa maninona moa izy no hiady @ frantsay? Ny zanany aza any Frantsa! Izy koa rehefa hiongana eo dia azo antoka fa hosy any Frantsa.

Lydia Raharinivo : miady kankana, hihiiiiii !

Teray Tsaviontioke : kanosa ilay Filoha Rajoelina, tsy miraharaha gasy, fa vazaha avao ny azy arovany sy atahorany.

Sylvain Rakotoarisoa : hila raharaha ? Tsy sahy hila raharaha amin'ny Frantsay Rajoelina, ny gasy toa azy ihany no sahiny iadiana sy potehana.

Leold Kaloff : ici c'est la france ?? Io ary tsy sahiny valiana koa hiady Iles Eparses ahoana, angano angano, arira arira.

Narinda Alphanho : 3 +4=7 vakio moa ty resake tito !

Lycko Mamelin : zao kosa tsy ho bac-1 fa tonga d bac+8 an. Hihiiiiii!

Rasolo Clia : efa namidiny io, ka tsy mamerina entana efa lafo intsony ny nividiv ! Sinemà no mody mbola hataon'i lekely eo. Izy no tena mpivarotra tanindrazana.

Melly Tsara Teza : mampalahelo mit-siny, ny Malagasy sasany no tsy misaina ko , Rajoelina anie Français e, inona no iraharahany ze Malagasy any.

Kelly Mariz : lelahy kanosa! Raha tena sahy izy, ny Frantsay no tokony hatrehiny, fa tsy ny gasy sahala aminy ihany no potehany.

Jenny Rakotozafy : ka izy aza frantsay koa inona? Iles éparses efa acquises, fa fombafomba sisa kanefa na ho ela na ho haingana tsy maintsy miverina ho an'i Madagasikara io, ampiarnaro tsara ny ankizy tsy ho bado hitakiany azy, ny filoha amin'izao no bado manaike badoin'ny Frantsay. Hiverina hoan'i Madagasikara rehefa lany ny harena. Loza koa fa hay moa efa handray ny volan'ny Rosiana ny henjana !

Tantely Nir'hi : filoha kanosa, toy ny mpamosavy malemy, ka ny ao an-trano ihany no aripaka, ny Malagasy toa azy ihany no tiany ho potehana.

Rolando Andry : tsisy idiran'ny vitsika @ pétrole. Cinéma fotsiny ny fitakiana nataon'ny fitondrana Rajoelina ireo Iles Eparses, fa efa vita resaka tany ny faneomezany azy ny Frantsay.

Hay Tao Compagny : ZANY NGE NO ATAO OE PAMOSAVY MALEMY, KA NY AO AN-TRANO IHANY NO ARI-PAKA E!!! IREO ORINSA VAHINY MILAAMINA, FA NY ORINASA MALAGASY TOKONY HAMPIANA AMIN'IZAO FAHASAHIRANANA IZAO POTEHINA SY AKATONA.

Josh Tiana Rakotonasandratra : ny vahoaka mihitsy no tokony hiady fa Rajoelina aza frantsay koa. Ravalomanana ihany hatreto no afaka handresy azy amin'ny fididianana dia io ezahan'izy ireo finganina sy potehina io. Fa le vahoaka ve MBA misy firy % no mahatakatra io nolazaina io, vao miteny fotsiny NY mpitondra hoe fihinana NY ty na tsy fihinana aza dia manaike NY ankamaroany.

Lex Rakotoarisoa : zay no mampalahelo, ny vahoaka tantsaha sy ny mpiasa no ho voa amin'izao fanenje-hana ataon'ny fitondrana Rajoelina ny Filoha Marc Ravalomanana izao.

Ninah Janaelle Razaiarisoa : lelahy filoha mohaka kanosa tsisilaivana azy Rajoelina zany, sady filoha mpanandainga tsy mitana ny teny nomeny, miovava lava ny zavatra teneniny.

Zoarivelo Ramalalaharison : efa lafony anie io fa isika no arebirebiny e! Filoha saribakolin'ny Frantsay, tsy misy hazon-damosina, ny Frantsay no lehibe indrindra fa raha ny gasy sahala aminy tsy raharahany.

FAMPIANARANA

Mety ho maro ireo zaza tsy ho afa-mianatra amin'ny taom-pianarana vaovao

Tsy nisy filefahana ny ankamaroan'ireo sekoly tsy miankina amin'ny fanjakana, fa niziriziry avokoa izy rehetra tamin'ny fanerena ireo ray aman-drenin'ny mpianatra handoa feno ny saram-pianarana rehetra tamin'ireo volana telo na efatra tsy nianarana. Nanomboka ny volana aprily hatramin'ny jona sy jolay, volana tsy nianaran'ny mpianatra ireo noho ny fepetra amin'ny hamehana ara-pahasalamana. Anisan'ny nanao izany ireo sekoly tsy miankina rehetra eny amin'ny Cité Itaosy eny, izay tsy nan-defitra mihtisy tamin'izany. Mafy ho an'ireo ray aman-dreny marobe izany satria niharan'ny krizara-tsosialy toy ny rehetra ihany koa izy ireo.

Ankoatra ny fandoavana ny saram-pianarana koa anefa, dia tsy maintsy nandoa ny saram-pisoratana anarana vaovao manaraka indray koa ho amin'ny taom-pianarana vaovao izy ireo. Manampy trotraka ny fividiana ireo fitaovalam-pianaran'ny mpianatra, izay tsy



maintsy hiaka-bidy ihany koa. Etsy ankilan'izay anefa tsy mbola mivaha ny olana amin'ny fihariana sy ny fivelomana, fa mbola mijanona ao anaty fahavoazana hatrany. Marobe amin'ireo ray amandreny no sahirana mafy ara-pivelomana amin'izao fotoana izao, ny sakafohohanin'ny ankoahana aza hifampitadiavana andro aman'alina. Mazava loatra, fa tsy maintsy handefitra mohatra amin'ny sakafalo aloha ny fam-pianarana. Mbola eo koa aza ny lafiny fitafiana sy ny ara-pahasalamana.

Efa fantatra mazava ny fihetsik'ireo sekoly tsy miankina, fa ny vola alohan'ny lafiny fanabeazana, izay noheverina fa ankinina aminy. Tsy maintsy voaloa aloha ny saram-pianarana sy ny pitsoitsony rehetra vao afaka miditra an-dakilasy mianatra ny zaza. Tsy ho àry voaray sy hianatra eny amin'ny sekolim-pajakana koa anefa ny rehetra tsy afaka. Ny eny koa aza mbola mety misy maro mitsoaka an-daharana amin'izao taom-pianarana hoavy izao. Ireo tomponandraikirity ny se-

koly koa re fa efa nifanaraka fa tsy hanome ny dôsién'ny mpianatra hifindra sekoly raha tsy efa nahalo ny saram-pianarana rehetra sy ny vola samihafa rehetra tokony haloa. Maro amin'ireo ray amandreny araka izany no tsy afaka hampiditra ny zanany hianatra noho ny antony tsy azony anoharana intsony. Mety hisy fiantrai-kany amin'ireo isan'ny zaza tsy ho afa-mianatra an-tsekoly eto amin'ny firenena izany tranga izany.

Radafy

Mpianatra Malagasy tany Chine

Nody tsy nahazo diploma ny ankamaroany

Nody tsy nahazo diploma ny ankamaroan'ireo mpianatra Malagasy nandranto fianarana Chine araka ny vaovao voaray. Ny 90%-n'ireo mpianatra miisa 272 nahavita fianarana tany Chine, no nody tsy nahazo diploma, izany hoe ny 245 tam'inzy ireo. Ny antony dia tsy naloan'ny fanjakana Malagasy ny vatsim-pianaran'izy ireo. Maro amin'izy ireo anefa no manana Maitrise sy Doc-

torat. Ny 10% dia ireo raiamandreny no nameno ny banga, satria 30 volana ny vatsim-pianarana tsy voaloa. Mpianatra afaka mitana andraikitra tsara eo amin'ny tontolon'ny asa fampandrosoana eto amintsika anefa ireto tanora manam-pahaizana ireto. Efa hatramin'ny taona 2012 no nisy ity olan'ny mpianatra Malagasy tany Chine ity.

Aly



Beijing, renivohitry ny Repoblika Entim-bahoakan'i Chine.

Kaominina Alasora

Hanome cours maimaimpoana ireo hanala fanadinana BEPC

Na ao anatin'ny fahasaharana tanteraka aza amin'izao fihiboana noho ny hamehana ara-pahasalamana izao ny orinasa, ny kaominina maro samihafa eto amin'ny firenena, dia tsy nikely soroka ny kaominina Alasora distrik'Antananarivo Avaradrano, tarihin'ny ben'ny Tanàna Jimmy Randriantsoa, fa mitsinjo hatrany ireo ankizy manala fandinam-panjakana. Tamin'ny fanadinana CEPE ho an'ireo kilonga madinika dia nisy ny fanomezany sakafalo ho an'ireto farany hanampiana ny ray amandreny amin'izao fahasahiranana mahazo ny



Ny ben'ny tanànan'Alasora, Jimmy Randriantsoa.

tokantrano Malagasy izao. Ankehitriny, amin'izao an-

katoky ny fanalàna fandinana BEPC izao indray,

dia tsy mijery fotsiny ny kaominina Alasora, fa hisy ny fanomezany cours maimaimpoana (gratuit), ho an'ireo tanora hiatrika izany manerana ny ZAP Alasora, satria iarahamahafantatra fa sarotra ihany ny miandry azy ireo noho ny fahatapatapahan'ny fianarana tamin'ity taom-pianarana ity. Ho tanterahana manomboka ny 07 ka hatramin'ny 18 septambra izany ao amin'ny CEG Alasora. Miaramiasa sy mifanome tanana amin'ny fanantante-rahana izany ny mpam-pianatra rehetra ao antoerana.


Helisoa

Ady amin'ny tsy fandriampahalemana

Voasambotra ilay jiolahy mpamono zokiolona

Miseho lany amin'izao fotoana ny tsy fandriampahalemana, noho ny asan-dahalo any amin'ny distrikan'i Tsaratanana, faritra Betsiboka iny. Noho ny ezaky ny fokonolona sy ny mpitandro ny filaminana tany an-toerana, voasambotry ny miaramila ao amin'ny ZRPS DELTA, distrikan'i Tsaratanana tamin'ny faran'ny herinandro lasa teo ny dahalo namono nahafaty zokiolona iray tany an-toerana. Marihina fa efa natolotra ny Zandary ao Tsaratanana ity nahavanon-doza ity.

Stefy



Ilay jiolahy nahavanon-doza tany Tsaratanana.

Polisy Tsaralalana

Vehivavy very saina, miandry ny fianakaviany haka azy

Ny ao amin'ny polisim-pirenena dia milaza sy miangavy, izay mahafantatra an'ity vehivavy hita amin'ny sary ity, mba hampandre ny fianakaviana akaiky azy, ka haka azy etsy amin'ny Polisy misahana ny olona marefo na ny "Brigade Féminine de Proximité" eo Tsaralalana.

Nividzavatra tamina tranombarotra lehibe iray tetsy Antanimena izy, ka tsy nandoa vola rehefa tonga teny amin'ny caisse no sady niteniteny zavatra tsy mitombina. Ny mpiambina ity tranombarotra ity no nitondra ilay vehivavy teny amin'ny Polisy, ka rehefa nanontaniana ny momba azy dia tsy nisy fantany ankoatra ny anarany izay nolazainy hoe "Julie". Tsy nisy ny taratasy mahakasika azy ary tsy nahitana finday ihany koa izy, ka anisan'ny antony tsy nahalalana ny momba azy. Efa eny amin'ny Brigade de Proximité etsy Tsaralalana izy ary miandry ny fianakaviany ho an'izay mahalala azy.

Stefy



Ilay vehivavy very saina, etsy amin'ny polisy Tsaralalana.

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Sandra A.

Mpiandry raharaha

PHARMACIES DE GARDE
05/09/2020 hatramin'ny
12/09/2020

- ANDOHATAPENAKA
(67ha sud Route FDC
près station Galana) 020
22 670 70/034 02 670
70/032 12 670 70
- SOARY (Iadiambola
Ampasapito) 020 22 410
58/032 11 248 05

- PROVIDENCE (Andoh-
han'Analakely près ex ci-
nema Rex) 020 26 407
27 / 034 52 002 90 / 033
13 481 42

- RALISON (Antanimena)
020 22 226 14/034 44
429 51

- RASOLONJATOVO
(Anosy en face HJRA)
020 24 570 38/034 64
838 61

HJRA (urgences) :
033 11 890 58 /
22 279 79

HOMI Soavinandriana :
22 397 51

Hopital Befelatanana :
22 223 84 / 22 6 N72 21

Hopital
Lotera Ambobibao :
22 441 88 / 22 485 17

Clinique des Soeurs
Ankadifotsy : 22 235 54

Ambulances municipales :
22 200 40

Jirama:
Telma : (22)3547 (n° vert) /
Airtel : 03 35 47 / Orange :
032 32 3547

Pompiers :
Tél : 118/22 250 18/
22 225 66

Police :
Hôtel Central de Police :
17 / 22 227 35 / 22 357 09

1° Arrondissement
Tsaralalana : 22 280 54
2° Ambanidra : 22 309 46
3° Antaninandro : 22 291 30
4° Isotry : 22 280 51
5° Mahamasina : 22 280 48
6° Ambohimanarina :
22 225 52
7° 67 Ha : 22 291 29
8° Analamahitsy : 22 493 25
Brigade criminelle :
22 216 78 / 22 210 29 /
22 674 83 na 84

GIR : 22 227 35

Gazetim-baovao mifanatra
intelio
isan-kerinandro
Vidiny : 300 Ar
Adresy: lot T 70 Ankadindratombo

TALEN'NY FAMOAHANA :
Rahelisoa A.
034 79 07600

MPANAO GAZETY
Politika:
Isambilo: 033 24 783 65
Rajo: 033 80 022 53
Andry Tsivalona 032 07 744 55

Toekarena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanatanjahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrahana 1063-09-2020
Isan'ny natonta: 10 000

Tsy azy adika, na alain-tahaka, na
antsaina ampihabemaso
raha tso ahyzoana alalana vita
soratana na avy amin'ny
tompony

FANAKATONANA NY ORINASA AAA

Ny mpiasa sy ny tantsaha no ho potika amin'izany

Manoloana ny fanakatonana ny orinasa AAA
Magro Behoririka, Toamasina ary Fianarantsoa, milaza ny heviny mahakasika izany i Elian Raharison, mpanao politika, mpandinika ny raharaha-pirenena.

Niezaka aho no tsy niteny, hoy izy manoloana ny fanakatonana ny orinasa AAA Magro, sao lazaina miaro be fahatany. Ny akony zava-misy iainan'ny mponina mivelona miaraka amin'ny orinasa no entiko amintsika. Rehefa mihisny orinasa dia tsy misy mpividy ny vokatry ny tantsaha, toy ny vokatra ronono. Hirahirain'ny mpahohana ny fitondrana hoy izy ny hoe : aloavy ny hetra dia tsy tonga amin'izao io orinasa io, amiko efa voaloa sahady ilay heta tamain'ny nandoranareo io orinasa io, tadiofa 200 miliara Ar farafahakeliny no sandan'ny zavatra simba tao, tsy hiresaka ny MBS sy ny sns... aho, io vola io no tokony homena ny orinasa Tiko, ny fomba handoavana azy dia 70% omen'ny mpamatsy vola

avy any ivelany ary ny 30% omen'ny fanjakana, hitantsika fa tsy nanao izany ity farany. Niezaka hatrany ny filoha Marc Ravalomanana hitady hevitra, mba hahafahan'ny orinasa hiverina hihodina indray, ka nisy ny fiaraha-miasa tamin'ny orinasa AAA, nihodina tsikelikely ilay orinasa ary tsy nanan'ny fanjakana vola na ny ariary aza, ary raha misy voalohany amin'ny fanarahan-dalana dia faha-2 ny orinasa, izao anefa nohon'ny fanapothina tadiavina atao amin'ny filoha Ravalomanana dia izao no zava-misy. Tsarovy anefa fa izany Filoha Marc Ravalomanana izany, dia sarotra ny hatonga azy handohalika raha resaka vola no tenehina, mety hoe mihena ny miditra aminy, fa tsy ho potik'izy, tsy ho potikareo izy, f'reo tantsaha sy ny mpiasan'ny orinasa no ten ho sahirana, mizaka ny tsy azo hanoharana, izy ireo dia aman'arivony eran'i Madagasikara no ho toy izany, nohon'ny tsy fahaizana mandray fapanah-kevitra atao'ny mpitondra taruhan'ny filoha Andry Rajoelina. Fa-

rany mba diniho lalina anie ho anareo mpanohana ny fitondrana ny zava-misy e, androany mihira ianao, mifaly fa raha mitohy izao, be dia be anie ny orinasan'ireo eo amin'ny fitondrana ankehitriny izay mitsangana etsy sy eroa, ka sao mba any anatin'ireny orinasa ireny ianao ka ho anjarnao rahampitso ny miaina tahaka ireto olona tan-

tsaha sy mpiasa sahirana amin'ny fitadivana sy tsy hanana asa, nohon'ny valifaty politika tsy voaheritra. Ary raha ireo ny zava-misy mbola sahy miteny ve ianao fa diso ny orinasa Tiko. Rehefa mijery zavatra iray, tena mba diniho mahintsy tsara aloha f'aza manao ady hevitra adala, hoy ihany i Elian Raharison, mpanao politika sady




Elian Raharison, mpanao politika sady mpandinika ny raharaha-pirenena.

mpandinika ny raharaha-pirenena.
Nangonin'Isambilo

BEHARO

Teny tondro (Ny Valosoa Vaovao)

N° 317



Misy ny teny Malagasy ofisialy sy ny tenim-paritra

Ohatra : Valy = Vady

BL = Bory Loha
BR = Bory Rambo
MIV = Mivadika
MIK = Mikorontana

Valiny Teny Tondro (0316)

Mitsivalana

- Nitelina
- Atao
- Lanto – Ro (miv)

Mitsangana

- Entako
- Faoka – AA
- Atsy – (T)aon(a)
- Ia – Rova
- Nilefa
- Anaty
- Tontosa
- Taky
- Laoka
- Ti (miv) – Ao
- Nao – Voa (miv)
- Aoriana

Mitsivalana

- 1. Firosoana 2. Ma (miv) – Toky 3. Karetksaka 4. Orana – Anio (miv) 5. Nakarina 6. Ora – Manala (miv) 7. La – In-II 8. Sakaflo (miv) – Man (miv) 9. Zokinina 10. Arovana – Re

Mitsangana

- A. Filana – Hatsiaka B. Dio (miv) – Tondraka D. Fotora E. Akaiky – Faran-teny – Haja amam-boninahitra (miv) F. Naoty – Firavaka – Kianteny G. Tanana ao Fianarantsoa H. Nan-dray I. Fanohanana J. Refy – Dimbiny (miv) K. Biby masiaka (miv) – Aminy (miv)

Valiny Teny mifanaraka 0316

Mitsivalana

- 1. Firosoana 2. Farara (miv) D. Raraka - Azo E. Omena – Voky (miv) F. Tarandaka G. Il(o) – Sir(y) H. Ataonay – Na I. No-kianina J. Naka (miv) – Roa (miv) K. Mamba (miv)

- A. Filana – Hatsiaka B. Dio (miv) – Tondraka D. Fotora E. Akaiky – Faran-teny – Haja amam-boninahitra (miv) F. Naoty – Firavaka – Kianteny G. Tanana ao Fianarantsoa H. Nan-dray I. Fanohanana J. Refy – Dimbiny (miv) K. Biby masiaka (miv) – Aminy (miv)

Mitsangana

- A. Filana – Hatsiaka B. Dio (miv) – Tondraka D. Fotora E. Akaiky – Faran-teny – Haja amam-boninahitra (miv) F. Naoty – Firavaka – Kianteny G. Tanana ao Fianarantsoa H. Nan-dray I. Fanohanana J. Refy – Dimbiny (miv) K. Biby masiaka (miv) – Aminy (miv)

Mitsangana

- A. Filana – Hatsiaka B. Dio (miv) – Tondraka D. Fotora E. Akaiky – Faran-teny – Haja amam-boninahitra (miv) F. Naoty – Firavaka – Kianteny G. Tanana ao Fianarantsoa H. Nan-dray I. Fanohanana J. Refy – Dimbiny (miv) K. Biby masiaka (miv) – Aminy (miv)

An-tsary misongadina Ny Valosoa Vaovao

Helisoa

Ny tafa tamin'ny mpanao gazety nataon'ny RMDM omaly teny Bel'Air Ampandrana.



Sakoroka teny Ambohipo nohon'ny tsy fahazoana Vatsy Tsinjo.



Fiarabe mpitatitra fako azon'ny kaominina Alasora.



Amidy eny amoron-dàlana ny vokatra rononon'ny tantsaha nohon'ny fikatonan'ny orinasa AAA Magro.

